



宋文歸目錄

卷十一

鄒浩諫立后疏

鄒浩論宰相章惇疏其一

鄒浩論宰相章惇疏其二

鄒浩謝復官表

鄒浩侯羸論

鄒浩曹參論

鄒浩劇孟論



鄒浩荀或論

鄒浩送劉歸美序

任伯雨又論章惇狀

晁補之送劉公權序

晁補之補魚圖序

晁補之新城游北山記

晁補之學說

晁補之七啟述

晁補之烏戒

晁捕之賓主辨

晁捕之書王蠲事後

晁捕之跋林逋書後

宋文公歸目錄卷十一終

宋文歸卷十一

竟陵鍾惺伯敬父選評

古吳楊葵子常父叅訂

鄒浩諫立后

臣聞禮曰。天子之與后。猶日之與月。陰之與陽。相須而成者也。天子理陽道。后治陰德。天子聽外治。后聽內職。朕則立后以配天子。安得不審。今陛下為天下擇母。而所立乃賢妃劉氏。一時公議莫不疑惑。誠以國家自有仁祖故事。不可不遵用之。平蓋皇后郭氏與美人尚氏爭寵致罪。仁祖既廢后。不旋踵并斥美人。所以示公也。及至立后。

則不選於妃嬪。必選於貴族。而立慈聖光獻。所以遠嫌也。所以為天下萬世法也。陛下以罪廢孟氏。與廢鄧氏。毫無以異。朕孟氏之情。未嘗付外。雜治果與賢妃爭寵而致罪乎。世固不得而知也。果不與賢妃爭寵而致罪乎。世亦不得而知也。若與賢妃爭寵而致罪。則并斥美人以示公。固有仁祖故事存焉。若不與賢妃爭寵而致罪。則不立妃嬪以遠嫌。亦有仁祖故事存焉。二者必居一於此矣。不可得而逃也。况孟氏罪廢之初。天下孰不疑賢妃以為后。及讀詔書。有別選賢族之語。又聞陛下臨朝慨嘆。以廢后為國家不幸。又見宗景有立妾之請。陛下怒其輕亂名分。而重賜譴責。於是天下始釋朕不疑陛下

主后之意在賢妃也。今果立之。則天下之所以期陛下者。皆莫之信矣。載在史冊。傳示萬世。不免上累聖德。可不惜哉。可不惜哉。且五伯三王之罪人也。其蔡丘之會。載書猶首曰。無以妾為妻。况陛下之聖。高出三王之上。其可忽此乎。萬一自此以後。士大夫有以妾為妻者。臣寮糾劾。以聞陛下。何以處之。不治則傷化敗俗。無以為國治之則上行下效。難以責人。孔子曰。名不正則言不順。言不順則事不成。事不成則禮樂不興。禮樂不興則刑罰不中。刑罰不中則民無所措手足。夫名之不正。遂至民無所措手足。其為害何可勝道。尤不可不察也。臣伏觀陛下天性仁孝。追奉謨烈。惟恐一毫不當先帝之意。狀先

帝在位。動以二帝三王為法。斥而漢而下不取。今陛下乃引自漢以
來。有為五伯之所不為者。以自比。是豈先帝之意乎。是豈繼志述事
所當然者乎。此尤公議之所未論也。臣觀白府內再三言之者。不過
稱賢妃有子。及引永平祥符立后事。以為所咨之故。寔臣請論其所
以然者。若曰有子可以為后。則永平中貴人馬氏未嘗有子也。所以
立為后者。以冠德後宮故也。祥符中德妃劉氏亦未嘗有子也。所以
立為后者。以鍾英甲族故也。又元貴人之系。寔為馬援之女。德妃之
時。且無廢后之嫌。其與賢妃事體迥然異矣。若曰賢妃冠德後宮。亦
如貴人鍾英甲族。亦如德妃。則仁不於孟氏罪廢之初。用立慈聖。光

獻故事。便立之乎。必遷延四年以待今日。果何意邪。必欲以此示天。下果信之邪。兼臣聞頃年冬。享景靈宮。賢妃寔隨駕以往。是日雷作。其變甚異。今又宣麻之後。大雨繼日。已而飛雹。又自告天地宗廟社稷。以來陰霪不止。以動人心。則上天之意。益可見矣。陛下事天甚謹。畏天甚至。尤宜思所以動天而致朕者。攷之人事。既如彼。求之天意。又如此。安可不留聖慮乎。夫成湯聖君也。仲虺不稱其無過。而稱其改過不吝。高宗賢君也。傅說不告以拒諫。而告以從諫。則聖臣雖愚。不足以方古諫者。常念唐太宗猶有耻君不及堯舜之臣。况直可以為堯舜如陛下之聖。而於身親見之乎。是以不敢愛身。冒犯天威。圖

報陛下親自識拔大恩之萬一而區區血誠盡於此矣。願陛下俯從而改之。不以為吝。則萬世之下。所以仰望陛下之聖者。亦將在成湯高宗之上矣。豈不美哉。豈不美哉。伏望聖慈。深賜詔納。不以一時改命為甚難。而以萬世公議為足畏。追停冊禮。別選賢族。如初詔施行。庶幾上答天意。下慰人心。為宗廟社稷無疆之計。不勝幸甚。不勝幸甚。

鍾惺曰。持正之言。當時雖不聽。而千古知立劉后之為非。則此言持之也。

鄒浩論宰相章惇疏

鍾惺冒
羅臣作用
入神

臣聞人主之職莫大於論相。相之得失天下之危安係焉。不可不深
察也。臣觀丞相章惇方陛下躬攬之初。亟從祠官擢登相位。委以政
事。於今五年。所宜夙宵竭誠輔佐。以副陛下屬任之意。而乃徇情廢
理。專務自營。力引所私。分據要路。潛謀密計。妙若鬼神。一有作為。首
尾相應。惇雖不動聲色。而事已條狀濟矣。是以陛下之所欲用者。正
人也。繇此沮格。而不得進。陛下之欲來者。忠言也。繇此壅閉。而不得
聞。陛下之所欲推廣者。仁恩德澤也。繇此難於遠達。而不得均被於
元元。是陛下之志願未獲盡。伸而惇之好惡莫不畢。遂惇雖傲然自

若○以○為○人○莫○能○窺○而○不○知○效○已○有○不○可○掩○者○故○論○其○變○理○則○水○旱○薦○臻○之○變○異○常○論○其○表○率○則○談○謾○相○習○之○風○彌○扇○論○其○苟○招○則○非○頌○附○其○門○者○弗○用○論○其○言○動○則○雖○凌○侮○毀○罵○而○必○為○論○其○橫○身○力○薦○之○人○則○以○罪○竄○逐○相○繼○而○是○論○其○尊○君○畏○上○之○心○則○遇○灾○而○處○畧○不○引○咎○臣○歷○觀○前○古○苟○為○相○者○有○一○於○此○輕○猶○罷○免○况○兼○有○之○如○惇○者○乎○此○天○下○公○議○所○以○久○沸○不○平○而○切○有○望○於○睿○斷○也○臣○願○陛○下○上○念○宗○社○付○託○之○計○下○思○休○戚○之○原○斷○以○乾○綱○而○力○行○之○寔○天○下○幸○甚○茅○坤○曰○直○列○其○罪○絕○不○加○已○甚○之○辭○而○其○罪○愈○明○是○漢○疏○之○佳○者○

孫鑣曰兩
疏俱實直
可誦

鄒浩又論章惇疏

臣近以朝廷之本無先於論一相。曾具章惇罪狀奏聞。乞賜省察。施行。外。天下公議。又有大不平於惇者。謂惇在元祐初。詆斥先帝保甲之法。以為非。是其言甚力。若以保甲誠不便。不可行。即惇在先朝。固已為執政矣。於政事無不可論者。何不為先帝言而罷之乎。安忍先帝陵土未乾。遽詆以為非耶。其背負恩德。可謂甚矣。伏自皇帝陛下躬覽以來。凡語及先帝者。竝行竄逐。惟惇久置不問。獨相如初。豈朝廷之典刑。不可以行於惇乎。蓋自編顙章疏及看詳訴理文字以來。其因語言上及先帝有傷陛下繼述之孝者。陛下亦不得而赦之。不

知○從○人○矣○其○被○先○帝○知○遇○者○不○如○惇○之○遇○其○受○先○帝○委○任○者○不○如○惇○
之○重○狀○惇○有○所○見○不○逮○言○於○先○帝○臨○御○之○時○而○乃○力○詆○於○元○祐○終○受○
之○際○則○其○背○恩○負○德○尤○不○可○與○餘○人○一○槩○定○罪○伏○望○聖○慈○特○降○指○揮○
令○於○三○省○檢○惇○前○項○詆○斥○先○帝○法○度○語○言○久○字○進○呈○出○自○睿○斷○施○行○
以○示○天○下○以○擇○公○議○以○慰○先○帝○在○天○之○靈○

鍾惺曰○始終只以一事論之○文最簡古○

鄒浩謝復官表

萬里投荒。豈生還之敢望。九重獨斷。俄意外以蒙恩。感激哀憐。縱橫涕淚。伏念臣。竊為固陋。全昧。絕微。有言。輒至於妄陳。雖死。不足以塞責。上賴聖人之救物。特寬司寇之嚴刑。但復竄於遐方。始使省其咎。惟昭潭之可畏。與新州而不殊。形影自殊。朝夕難保。昏昏瘴霧。信為提耳之師。元元愁居。因得致身之道。惟忠惟孝。無古無今。命雖甚於垂絲。心已期於結草。不謂僅存之瘦骨。忽還將絕之驚魂。既獲免於拘攣。遂亟諧於定省。名蠲罪籍。品復文階。在救拭之非常。皆覬覦之莫及。此益伏遇皇帝陛下。道彌天覆。德盛春生。士齡光渥於丕圖。

萬物率由於和氣。紹隆先烈。坐撫太平。曲回進日之明。旁燭戴盆之
下。謂裕陵長育賜之第。而除教官。謂哲宗保全矜其愚。而屈常法。召
從五嶺之表。端遇六龍之飛。擢于不次之中。曾是惟新之數。肆令甄
叙。俯及孤危。臣敢不困險阻。艱難之備。嘗念身骸髮膚之再造。益堅
夙志。通瞻北極之尊。長與老親共祝南山之壽。精誠所貫。高厚必知。
鐘惺曰。情詞酸澁。意氣浩沕。

鄒浩侯羸論

語有之曰。夏則資皮。冬則資絺。夫皮豈當暑之急。而絺豈禦寒之具哉。蓋無事而備之者。所以待有事也。是以管之君子。有竄身海濱。日以漁釣為事。淡若忘情於世者。及投竿而起。論天下之務。如此則治。不如如此則亂。如此則安。不如如此則危。累數十萬言。管古今之祕策。興王之所汲汲。而未獲者也。故其功名卒與日月俱而莫之朽。彼侯羸者。豈亦有得於此歟。何其謀奪魏兵。談笑而辦。如探囊中物耶。夫庸符所在。至深至密。所謂如姬者。亦未必知其處也。況敵國國人諸大夫左右乎。而羸獨何以知之。晉鄙噉嗜宿將。提十萬兵之衆於閭外。

鍾惺曰古講之好上者一過而得之信陵與侯贏是一過而得之者誠也無議不可以好士

功罪未決而信陵遽以單車至其不肯授兵萬萬無疑矣。顧朱亥之賢殆非荆卿所擬固足以辦大事方且陸沈於鼓刀之肆舉國莫知也。而嬴獨何以知之。嬴既無數家射覆占候之術以援嘖而索隱後以抱關之賤謀奪其兵以成信陵之高義有始有卒不毫釐非其

講之有漸處之有素而能若是乎。余故曰無事而備之者所以待有事也。惟其信陵之初折節下之而不以貴自驕也。久居於市不以市人竊罵為之動也。引之上座不以將相賓客改其禮也。是至誠而不僂者也。是真喜士者也。是可與有為者也。其欲却秦而救趙而不以平日之所養者斷然成之則非人也。嬴不為也。故余嘗以謂無信陵

茅坤曰救
趙是非兩
言而定

則亦無侯。羸雖狀羸於信陵，固忠矣。於魏得為忠乎？秦拔趙，必移擊
魏。無乃賈禍於國乎？是不狀其為信陵謀者，乃所以為魏謀也。何則？
秦有并吞六國之心久矣。六國不滅，其心不已。趙魏與國也。唇亡則
齒寒，皮朽則毛落，其勢狀也。其拔趙而必擊救之者，秦之慮，穀也不
敢救趙而坐視其拔者，魏之寔禍也。蓋秦伐魏，趙拔亦伐，不拔亦伐。
拔趙而伐其伐，亟其禍大，不拔而伐其伐，遲其禍小。繇是言之，殺晉
鄙以奪其兵，特鄙一身之不幸，而魏國之幸也。狀則使羸不輕用其
死，王能任之，或止助信陵以相魏，魏其興乎？賀長雄者，將不在秦而
在魏乎？是又不狀其輕用其死，余是以知其無能為也。何則？方羸之

唐順之曰
治國以正
不以奇侯
贏奇士以
之備一時
緩急則可
以之治國
則不可

時士知死名以為義而不知死義以為義者終終自以為莫己若也
非感歎蓋可以死而死義以成仁者也不死則無勇不可以死而不
死仁以成義者也必死則傷勇贏於是二者不為管仲之不死而必
為田光之必死果何謂哉且士之所以不能有為於世者有物以累
之也死生亦大矣而贏不以動其心以之有為烏往而不暇奈何功
名亦止此耳嗚呼其戰國之奇士而名教之罪人乎

葛寓曰熟於世故精於道理非泛泛然以論古為高者

高祖曰筆
勢神妙如
飛行雲中
不可端測

鄒浩曹參論

讀漢書見班固贊丙魏曰高祖開基蕭曹為冠又讀唐書見敬宗以
王廷湊之亂恨無蕭曹使姦臣跋扈夫蕭何相高祖自其於義近南
面有天下恃之如左右手其獨冠乎當時而見思乎異代宜矣曹參
既非何比又運籌不如張良將兵不如韓信其間關攻戰之中被七
十創而功以成持一時之事耳其後相惠帝帝富於春秋且承高祖
棄羣臣之初參日夜飲酒不事事卿大夫羣吏及賓客舉知其非而
後之君臣猥與何一視而同稱焉其故何哉及觀其謝帝之語以謂
高皇帝與蕭何定天下法令既明其陛下垂拱參等守職遵而勿失

楊彝曰寫
出相体之
大覺以恩
慈論國是
者皆朝廷
之罪人也

不亦可乎。曾不以前日之隙。一毫置胸中。於是釋狀知稱之者。不為過論也。何則。有隙者私怨也。舉事無所變受。一遵其約束者。國事也。不以私怨敗國事。此藺相如所以回車於廉頗而致恂。所以郊迎於賈復者也。參寔能之。故心平而識明。心平而識明。故舉之於事。何者。當先何者。當後何者。為急何者。為緩。判焉。如黑白之在目。如此而不以相業聞者。未之有也。且相業之所以成。其本有三。曰德。曰量。曰知。辭而才智不與焉。蓋才者可與有為也。而不能不為智者。可與有謀也。而不能不謀。以其必為必謀之心。倡之於上。而百官有司。爭以才智應之於下。將以親附百姓。百姓且離散矣。將以鎮撫四夷。四夷且

鍾惺曰此
一段又為
司馬光而
發

反叛矣。將以遂萬物之宜。萬物且不得其生成。顧雖有作之世。猶見其害不見其利。況干戈甫定之初。如疾病方愈之人。困於藥石之交。攻而求所以補養其血氣甚切者乎。若參者可謂賢矣。狀則繼參而居位者。其必出於此乎。是又不可。何則。太后稱制。背約而王諸呂。產祿顯兵秉政。視天畫地。日以睥睨神詔為心。劉氏絕不復漢。於此時悟不為怪。而治道貴清淨。而民自定。無乃假越人以拯楚溺歟。故前乎參者。其相如之。則國必有外至之憂。後乎參者。其相如之。則國必有內作之患。惟蕭何以其本規之於其前。惟陳平以其智濟之於其後。惟參欽才棄智。以休息於其間。則亦惟其時而已矣。嗚呼。安得不

以○私○怨○敗○國○事○如○參○者○與○之○論○嚴○廊○之○急○務○乎○
鍾○惺○曰○此○時○章○惇○擅○國○絲○絲○以○私○怨○為○報○復○故○鄒○公○借○論○參○而○針○
砭○之○實○對○症○之○樂○

鄒浩劇孟論

劇孟匹夫耳。吳楚舉大事而不知求。條侯前知其無能為。以為天下
搔動。大將軍得之。若一敵國。問其所處。則問里之微。問其所為。則豪
俠之事。問其所與游。則聞鷄犬狗豚。為少年之戲者也。管季良在隋。
而楚武為之戢兵。得臣在楚。而晉文為之側席。孟豈斯人之後歟。其
若一敵國。何也。袁盎曰。緩急人所有一。旦叩門。不以親為解。不以在
亡為辭。天下所望者。獨季心劇孟。噫。是乃孟之所以屹如敵國者乎。
何則。天下有強弱之勢。朕非土地廣狹。城郭堅脆。兵革利鈍。士卒多
寡之謂也。謂人心而已。苟得人心。雖匹夫而遂強。苟失人心。雖天子

鍾惺曰寓
高義於人
處實富貴
為無權可
悟聖賢作
用

而浸弱。武王曰：受有臣億萬，惟億萬心；予有臣三千人，惟一心。受有
億兆人，離心離德；予有亂臣十人，同心同德。夫以三千當億萬，以
十人當億兆，雖垂髫之子，保其必敗矣。而卒固有敵於我師，則人心
之所在，其成功如何哉？繇是推之，若孟之可倚，以為重固無足怪者。
狀諾乎緩急之際，不疑不倦，逝不旋踵，此高義也。人各有心，千變萬
化，而不齊，惟高義足以收之，使一歸於我，譬猶形動而影赴，聲發而
響隨，自不知其所以狀者。孟母氏送葬自遠而至，車千餘乘，非其驗
耶？向使吳楚之君，聘以厚幣，納以至誠，表之三軍之上，彼素歸心者
且將不期而附焉。明者為之視，聰者為之聽，智者為之謀，勇者為之

戰凡有一長者各為之盡。顧雖真將軍。於亦未知稅駕之所。惟其不求而條侯得之。是以三月而破。孔璋謂以一賢敵七國之衆。豈虛語哉。嗚呼。使孟初能擇術。以本原乎聖人之道。既成章而達矣。既成器而動矣。既無所往而不利矣。明王委已而任之。斯無敵於天下。詎止若一敵國而已耶。孟子謂伯夷太公曰。二者者天下之大老也。而歸之。是天下之父。歸之。其子焉。注所謂無敵於天下者。故嘗以焉。謂過人之資者。成之以道。則鬱為豪傑之士。成之以非道。則蕩為豪俠之士。豪傑豪俠之相去。邈乎其天地矣。書曰。惟狂克念。作聖。惜孟為氣俗所移。而終不克念也。悲夫。

茅坤曰論古妙在有益於今

鄒浩荀彧論

鍾惺曰此
一語得
之

余嘗怪曹氏潛不臣之心。託扶漢以自媒。自以為天之曆數不在茲。起之豪傑。而在其躬。當時之人。誰不知荀彧智畧士也。司馬仲達謂自耳目所見。未有及之者。其委身曹氏而為謀主。凡二十餘載。至董昭等密以九錫諮之。乃獨以義興兵為言。而是誠不知耶。抑亦半塗而悔。將以自贖於識者之議。故假此以自明乎。世之策士。固有二於料事。而拙於料人者。固有與人同事。初不悟其設心為何如者。終亦必亡而已矣。朕而或必不出於此也。何則。其大策。袁紹董卓呂布。其次策。田豐許攸。審配逢紀。顏良文醜。殆如朝夕握手吐情。相與周旋。

皆謂曰
擬盡致難
巧說者不
能渡翻

而灼見其底裏。所謂拙於料人者。果如是耶。其勸曹氏定宛。徐迎獻
帝。保官渡。勿置九州。既計其利。又指其害。曲折反覆。迄有成功。皆曹
氏聰明之所不及。所謂初不悟其設心為何如者。果如是耶。又其勸
定宛州也。說以高祖保關中。光武據河內。而濟大業。其勸迎獻帝也。
說以高祖為義帝。編素而天下歸心。夫高祖先武。皆乘時特起。遂有
天下。非終臣於秦漢者也。我言必稱之。使釀其所為。是欲曹氏為高
祖。光武耳。就令曹氏一心王室。猶將標蕩轉履。以堅不臣之慮。况其
本自異。重開順逆。容與之言。譬猶決積水於千仞之谿。其既能禦
之如此。而猥異九錫之議。以明不知吾不信也。劉備指以為賊。其有

茅坤曰數
語青盛甚

五

肯哉嗚呼至此而後悔亦晚矣曹氏不赤其族而止使自殺其幸乎
嘗謂或之不得其死終不可逃苟不自殺則曹氏必殺之蓋其所殺
非守正不回則必用知不窮也守正不回者畏其嘗規我也孔融是
也用智不窮者畏其移所以為我謀者謀我也楊修是也或既不能
見陰而止如龔勝潔身於新室又不能見幾而作如范蠡肥遯於會
稽顧料隱匿非直以而欲優游卒歲以追子房之高風不亦難乎孟
子謂盆成括曰小有才未聞君子之大道則足以殺其軀而已矣余
於或亦云
鍾惺曰自古智畧之士趨功名者多識大義者少或初委身曹氏

其意但知功名。寧有藻哉。及功名既成。身負一時之望。見操所
為過懷。又且耳目中。不無物議。始悟大義有難犯者。所以手忙
脚亂。而有九錫之異。卒亡其身也。死雖不足惜。其情亦可悲矣。

鄒浩送劉歸美序

顧夢麟曰
此邵公讀
書自得處
便是正理
不務不居
種子

余識歸美舊矣。以官淮南。乃得而炙之。余職在泮宮。固無薄書期會之擾。擾而歸美又從辟常平司。於法得不出。故相從獨余二人。為家昵焉。晝席夜燈。簡編滿前。發閱交論。窮詰根柢。間以暇日。把酒奕碁。或從意所如。尋訪景物。物情未思。適狀相值。則援筆而賦之。雖樂而不。莫如是者。統率庶幾。前哲所謂莫逆於心者。於其解官而行。戢舌。分袂。非義也。夫人間世之樂。有能易讀書者乎。不。穀。色。而。娛。不。山。林。而。寂。不。功。名。富。貴。而。環。視。無。欲。狀。之。恨。徵。於。言。行。形。於。事。業。連。樂。古。今。而。稱。願。於。無。窮。皆。其。緒。餘。耳。世。之。所。謂。讀。書。者。裁。冠。博。帶。周。旋。於。

規矩之中。所在而紛紛。反紂察之。則能造其樂者。何其鮮耶。非其志。不篤。則其才不美。或有以累之也。簡編之多。無慮數萬。祕府之所藏。學官之所布。其次如鱗。其富如海。欲飽觀。欲覽。而靡有子遺。非可以朝夕期也。其志不篤。可乎。道德性命。有不說之妙。興亡治亂。有難評之迹。援贖解蔽。或有不至。則非習迷識緣。隙而授之。欲理與事周徧。而無餘蘊。猶北轅以遠。越終不到也。其才不美。可乎。才美而志篤矣。不幸家惟四壁。室如懸磬。俯仰所須。不繼朝夕。而貧為之累。親賓往來。吉凶慶吊。情義所存。不可輒已。而私為之累。以智效官。以能任職。早出暮歸。役役終日。而公為之累。秉象束金。氣奪寒暑。俊彥稱頌於

前靡曼將迎於側而富貴為之累其於讀書亦末如之何也已嗚呼
鑿壁編蒲以資其勤懸梁刺股以警其怠陸步家園久而不窺者彼
何人哉歸美穎悟過人初不經意頃刻千言格新而肆暢如春華初
繁如滿派自上而下與人議論決繆逐疑如素講而備嘗者雖耆父
亦為屈服真才之美者也四累之中君既不憂貧其外三者顧在所
處處之以道而篤其志於書以柔其氣以擴其量以敦重自持而成
其才狀後立言制行無俾古人擅前載之傳豈難也哉乃若事業之
顯晦則有數存焉余不能以語君矣歸美既閒除治一室焚香危坐
收心而味余言以為何如

鍾惺曰。寫讀書甘苦。如啖荼薺。非以讀書為性命者。不及此。

任伯雨又論章惇狀

左僕射章惇獨掌政柄○首尾七年○隨其喜怒○恣作威福○助尊私史○則
至於薄神考○矜伐已功○則至於累宣仁○樂於用兵○大開邊隙○陝西之
民愁矣○而進築不已○內府之財竭矣○而輦運不休○忘祖宗積累之艱○
輕朝廷根本之地○謂人之怨怒為當爾○謂天之譴戒為偶狀○斥公論
為流俗○以獻忠為誹謗○殺張天悅之徒○以箝衆口○廣鄆浩之獄○以絕
言路○天下震駭○人多自危○賴宗廟之靈○不廷不虞之變○幸未發耳○哲
宗一於委任何負於惇○惇負哲宗乃至於此○雖陰謀密計○發於蔡卞
而力行果斷○惇實主之用○春秋誅意之法○則罪卞可也○任扶危持顛

茅坤曰入
罪甚正

之責則非惇而誰狀則卞為謀主惇乃罪魁殲厥渠魁理不可赦今
惇仰恃容貸謀脫身禍自謂前日之事皆稟命於哲宗賊當奉行非
惇罪也嗚呼罪不在惇其在誰乎臣請以二事驗之可以考其餘矣
乃者宣訓之說究治之事喧播中外上千宣仁高氏一門幾不獲免
主張保全力沮其說者以哲宗本意不為已甚故也元祐大臣初議
誅滅及其流竄尚欲勦除狀而臣下之意竟不得行梅嶺以南猶有
全活而北歸者以哲宗本意不為已甚故也今事出哲宗者則託於
密贊而掠為已功已之所行則託於稟命而歸之先烈所可痛心孰
大於是漢之匡衡事成帝為丞相石顯用事不能正救乃壬戌帝既

沒○之○後○論○顯○不○忠○之○罪○揚○著○成○帝○之○失○王○尊○劾○衡○以○為○卑○君○尊○臣○非○
所○宜○言○天○下○後○世○以○尊○為○是○又○哀○帝○之○初○臣○下○謗○議○多○及○成○帝○獨○議○
即○耿○育○以○謂○事○不○當○時○固○爭○防○禍○於○未○狀○各○隨○指○阿○從○以○求○容○媚○晏○
駕○之○後○尊○號○已○定○萬○事○已○訖○乃○追○採○不○及○之○事○訐○揚○幽○昧○之○過○此○臣○
所○深○痛○也○今○惇○於○往○事○每○有○匡○衡○歸○過○之○心○而○獻○言○之○人○未○聞○耿○育○
深○痛○之○議○其○何○以○稱○陛○下○欽○承○繼○述○之○意○乎○
鍾○惺○曰○嚴○詞○峻○筆○直○發○其○微○亦○一○時○誅○奸○之○辣○手○也○

晁補之送劉公權序

田父好客。殫邑之入以食客。日不足。狀父廢。客亦稍稍去。父恨之。或曰。君不見夫趨市者乎。平旦側肩爭門而入。日莫之後。掉臂而不顧。非好朝而惡莫。所求物忘其中。余蚤為流輩所推。雖無邑入以奉客。而客從余游。亦不厭。嘗守三郡。所薦士數十人。得罪而歸。坐田里七年。客以書來。或過之者。總三人。所舍遠城郭。陸無以同居。水無與佐。刺舟狀。余每誦。或者語亦無意於客也。而開封劉君公權。無平日舊。乃惠狀。數過余。寒不以坐。無羶而辭。飢不以麥飯。蔥蘢菲而不臭也。田野無酒。後劉君又飲酒溫克。故余與之游。如平日。客或劇飲大歡。

無疵客。或偶坐終日不相語。唯而出亦忘吾憂。而劉君又竭狀去。余
為之恨恨。劉君世戚里將種。狀喜從士大夫游。問其舊所與厚。往往
當世知名士。或在朝廷尊顯。或斥逐困畏。劉君不以富貴貧賤變交
情。足以愧翟廷尉門外客百輩。其義固近時士所希得。吾知劉君將
有聞於吾人也。故於其來別。以是言贈之。

鍾惺曰。借客以寓感慨。似不感慨而感慨特甚。

晁補之捕魚圖序

茅坤曰寫
得寒色照
人

古畫捕魚一卷。或曰主右丞草也。紙廣不充。幅長丈許。水波渺瀰。洲渚隱隱。見其背岸木蔭。蒹向搖落。草萋然始黃。天慘慘雲而風。人物衣表有寒意。蓋畫江南初冬欲雪時也。兩人挽舟循涯。一人篙而下之。三人巾帽袍帶而騎。或馬或驢。寒峙肩擁袖者。前揚鞭顧後攬轡。語袂翩然者。僮負囊尾馬背而荷。若擁鼻者。三人屈竹為屋。三童子踞而趺大網。一童泛菊出者。縛竹跨水上。一人立菊維舟。而下有筍者。方舟而下。四人篙而前。其舟坐若立者。兩童子曳方畧行水間者。縛竹跨水上。一人巾而依蘆蔭坐。沉大網。菊筍屈竹為屋。縛竹跨水。

上童子跪而起大網者一人屈竹為屋前有瓶盃可見者篙者槳者
俛下罩者三人皆笠力舟載大網行且漁兩兒兩盃依蓬蔭坐有巾
而顛出網中得者舸撻楫一人縛竹跨水上顧而語前有盃盃者方
舟載大網出網中得者縛竹跨水上而免沉大網旁維繫者兩人篙
其舟甚力有帷幙坐而濟若婦人可見者方舟依渚一人篙一人小
而顛三童子若飲食若寐前有盃盃者一人推葦間童子俛而曳湄
厓者人物數十許目相望不過五六里若百里千里右丞妙於詩故
畫意有餘世人欲以語言粉墨追之不似也常憶楚人云帝子降兮
此渚目渺渺兮愁予嫋嫋兮秋洞庭波兮木葉下引物連類謂優

若湖湘在目前。思頃時歲晚道吳江。如此漁者。男子婦女童稚舟楫。梁笥網罟罩。紛狀在江。狀其業。厥而事佚。故無市廛爭利。意此與畫二大夫。公國其色。無別恨。奚以異。元祐元年四月二十日。李希孝出之。欲模寫無善工。乃借韓退之序。畫人物意識之。潁川晁補之序。鍾惺曰。寫人情景物俱瀟灑有致。不獨似畫。而画外且有餘蘊。妙筆也。



